



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

De Septimo Modo terminandi processum fidei p[er] canonica[m]
purgatione[m], & abiurationem.

urn:nbn:de:hbz:466:1-13589

postquam in publicam fidei actione sunt produ-
 ciantur, qui **conuertuntur** qui potius metu instantis mortis,
 quam amore vere penitentie conuerti videntur;
 quam ob rem cum negativis hoc raro fieri debere, et
 non nisi cum exquisitissimis considerationibus admo-
 nuat optime instructio Madriliana anno MDLXI.
 c. 44. de quo dixi alibi plenius.

Nollem certe unquam ab hoc sacro tribunali mi-
 sericordiam excludere; verumtamen ubi malitiam
 perfidorum huiusmodi contempler, auferem dicere
 iustissime fieri si locus misericordia solui pateret reis
 donec in carceribus Inquisitorum educerentur, & po-
 stea nullo modo audirentur, presertim cum tantum,
 & tandiu laboratum sit in eorum conuersione: quia
 tamen nondum damnationis sententia est promul-
 gata, ideo in hoc crimine vsque in id tempus locus
 est penitentie, & propterea sententia prior tutior
 est, sed hoc altera fortassis iustior, spectata perfido-
 rum iniquitate, & fera penitentie.

Num. 176.

Immo si unquam sciuero aliquem, qui illa hæ-
 resi sit infectus, &c. vobis Episcopo, & Inquisito-
 ri, &c. denuntiabo.] Hæc clausula omissa est in su-
 perioribus abiurationum formulis, quam fortassis
 expediret in omni abiuratione adiungere, vt scilicet,
 is qui abiurat, obliget se ad denuntiandos quoscumque
 sciverit hereticos, aut de hæresi suspectos, vel infama-
 tos, de qua obligatione alibi copiose diximus.

Num. 179.

Ad misericordiam sinum te sacrosancta Ecce-
 lesia recipiens de presenti.] Ita Barcionensis im-
 pressus. Bononiensis, & codex Cardinalis de Camba-
 ra ita: Ad misericordiam sinum sacrosancta Ecce-
 lesia te recipiens de presenti. Sabellanus ita:

Ad misericordiam sinum sacrosancta Eccelesie,
 & recipimus te de presenti.

Num. 179.

Et na multa crimina in eorum existant alijs
 delinquendi.] Ita Barcionensis impressus. Bononi-
 sis, & codex Cardinalis de Cambara ita: Et ne im-
 punita, &c. sed Sabellanus ita: Et ne impunita cri-
 minum alijs incentiuum præbeat delinquendi.

Num. 179.

Et nihilominus quod cum dicta veste, & cruci
 bus stes in porta talis Eccelesie, &c.] Desumptum
 videtur ex Concilio Bituricensi, c. 26. ubi grauiores
 penitentie imponuntur, nam cum præmississet peni-
 tentes singulis diebus, Dominicis, & festiuis interesse
 debere diuinis officijs, subdit: Et in Missa cuiuslibet
 diei Dominica, ac festiua, inter 4 pistolas, & Euā-
 geliū, veste superiori, & velo, siue capucio deposi-
 tis (nisi & in velo, seu capucio portentur cruce,) sa-
 cerdoti missam præsentem populo celebranti, cum
 virgis in manu publice se præsentent: ibique da-
 ta illis disciplina exponat sacerdos, quod propter
 culpam labis hereticæ penitentiam illam agunt.
 hætenus ibi. Vt vel ex his intelligas antiquam in-
 coerendo crimine hæresis seueritatem.

Hic vero penitentie ritus, quem hoc loco præscri-
 bit Eymericus, antiquissimus videri potest. nā Joannes
 Climacus gradu quarto, de obedientia differens de
 penitentie iniuncta monachis colloquentibus dicit ca-
 teri, orarent, quia contra deuotionis regulas eo loco,
 & tempore deliquerant, ita scribit: Ad orationem ple-
 rumque stantibus nobis, animaduertit pater san-
 ctus (id est, qui ceteris præerat) quosdam iniuicem
 colloquentes, quos ante fores Eccelesie stantens,

Insignis Ioan-
 nis Scholasti-
 ci locus.

A iussit vt per septem dies cunctis intrantibus, &
 exeuntibus prostererentur, siue clerici, siue pres-
 byteri fuissent, hæc ille.

h Retinentes nobis ex certa scientia, &c. qua-
 tenus dictam possimus mitigare, aggravare, &c.]
 Hæc clausula magnum tribuit Inquisitoribus priui-
 legium, & valde utilis est, & vsu frequens in hoc
 tribunali, de qua dicam infra super octauo modo pro-
 cessum fidei terminandi, & super q. 86. & alibi.

De septimo modo terminandi processum fidei per canonicam purgationem, & abiurationem.



Optimus modus processum fidei ter-
 minandi, & terminandi est, quando de
 latu de hæretica prauitate, proces-
 sus meritis diligenter discussis, cum
 bono consilio peritorum in iure, re-
 peritur suspectus de hæresi, & etiam diffamatus,
 & hoc est quando delatus ipse non reperitur legi-
 time deprehensus, nec propria confessione, nec
 facti euentibus, nec testium legitima productione,
 sed reperitur publice diffamatus, ac etiam re-
 peruntur indicia contra eum, quæ ipsum reddunt
 suspectum aliis de hæretica prauitate: vt pote,
 quia habuit magnam familiaritatem cum hereti-
 cis, qualis fuit ille, de quo agitur in c. Inter solli-
 citudines. de purg. cano. Et tali ratione in famie
 est indicenda canonica purgatio, & ratione suspi-
 cionis debet hæresim abiurare, iuxta alleg. capit.
 Inter sollicitudines.

Circa istum talis practica est seruanda. Talis
 enim sic publice de hæresi diffamatus, & vltra in
 famiam ex alijs indicijs suspectus habitus de he-
 retica prauitate, in primis purgabit se publice per
 hunc modum.

Forma disponendi ad purgationem ca-
 nonicam, & abiurationem faciendam ab
 eo, qui est diffamatus, & alias suspectus
 de heretica prauitate.

NAM in dicto sermone generali per aliquos
 dies ante, in omnibus Eccelesijs illius civita-
 tis, seu loci, in quo purgatio, & abiuratio sunt hæ-
 da: & suspensis sermonibus omnibus pro illa die
 assignanda, & adueniente die ad huiusmodi assi-
 gnata, & ipso purgando, & abiurando in medio
 populi in alta sede, & eleuata constituto, & facto
 sermone de fide per Episcopum, vel Inquisito-
 rem, vt dictum est supra in alijs modis proces-
 sum fidei terminandi. His, inquam, præhabitis;
 legentur culpæ ipsius purgandi, & abiurandi per
 notarium seu religiosum vel clericum: quibus le-
 ctis, purgabit se diffamatus per hunc modum, qui
 sequitur.

Forma

Forma purgationis canonica a diffamato de heresi facienda.

182 **C**omparebit namque personaliter ipse purgandus cum suis com purgatoribus, eidem in certo numero generaliter concessis talibus, qui cum, & eius vitam & mores nouerint moderno tempore, & antiquo, & sint suæ conditionis seu ordinis, vt dictum est in secundo modo prædicto processum fidei terminandi, ubi agitur de purga. cano. huiusmodi: & stabūt coram Episcopo, & Inquisitore; in loco tamen ubi purgandus ipse nōcitur de illa heresi infamatus, & ponetur liber Euangeliorum coram eis, ipseque diffamatus ponet manus super eū sic dicens: Ego iuro super ista quatuor Dei Evangelia sacrosancta, quod talem heresim, *exprimēdo eam*, de qua sum diffamatus, nūquam tenui, nec credidi, nec docui, nec teneo, nec credo, *negabit scilicet cum iuramento illud, de quo est diffamatus, quidquid illud sit: Quo facto omnes cōpurgatores ponent manum super illum librum Euangeliorum, & quilibet dicet ita: Et ego iuro super ista quatuor Dei Evangelia, quod credo, ipsum verum iurasse: & tunc canonicè est purgatus. Qua purgatione expleta per ipsum diffamatum, mox idem diffamatus vt suspectus aliter, & ex aliis indicijs, heresim, de qua est suspectus habitus, habens prædictum libellum Euangeliorum coram se, abiurabit per hunc modum.*

Forma heresim abiurandi per illum, qui est de heresi diffamatus, & suspectus alias de eadem.

183 **E**go talis, de tali loco, talis diœcesis coram uobis Venerabilibus dominis meis N. Episcopo talis ciuitatis, & Fratre N. Inquisitore hereticæ prauitatis in terris talis domini, a sancta sede Apostolica specialiter delegato, in iudicio personaliter constitutus, sacrosanctis Euangelij positus coram me, eiusque proprijs manibus corporaliter per me tactis, iuro me credere corde, & profiteor ore, illam sanctam fidem catholicam, quā Romana Ecclesia credit, profitemur, prædicat & obseruat: & consequenter abiuro, detestor, abnego, & reuoco omnem heresim extollentem se aduersus sanctam & Apostolicam Ecclesiam cuiuscunque sectæ fuerit seu erroris.

Item iuro me credere corde, & profiteor ore, quod sic & sic: *exprimatur articulus catholicus contrarius illi heresi de qua est diffamatus, & alias suspectus, vt si est suspectus habitus, & diffamatus, non credat Deum esse visibilium creatorem, ut faciunt Manichei, dicet sic:*

Itē iuro me credere corde, & profiteor ore, quod Deus est verus creator omnium, tam visibilium quā inuisibilium. Et consequenter abiuro, detestor, abnego, & reuoco illam heresim, quæ falso & mendaciter asserit, & affirmat, quod Deus non est generalis omnium creator, sed tā-

A tummodo inuisibilium. *Et si de pluribus articulis hereticalibus est suspectus habitus, abiurabit quemlibet singillatim per modum prædictum.*

Item iuro, quod nunquam prædictæ heresi seu heresibus, si plures sint, adheresi, nec credidi, nec adhareo, nec credo de præfenti, licet propter culpam meam ex his, quæ malè egi, sum diffamatus, propter quod habui me purgare, & alias sum suspectus merito coram vobis, quod illis heresibus crediderim corde firmo.

B Item iuro, quod prædictā heresim seu hereses nunquam dogmatizabo, nec prædicabo, nec docebo, nec aliquē instruam in illis, seu de illis: immo iuro & promitto, si vnquam seu iero aliquem, quod aliquam heresim de prædictis, vel aliquā aliam teneat, credat, seu doceat, quod uobis dñis meis Episcopo, & Inquisitori, seu alteri vestrum seu vestrorum Vicariorum, seu successorib. uestris protinus quo citius potero, intimabo.

Item iuro et promitto, quod talia, et talia, quæ egi, propter quæ et merito sum de tali heresi diffamatus, et ultra, vos me habetis suspectum, *exprimatur illa, nūquam deinceps faciam, seu dicam, nec operam dabo, quod fiant.*

C Item iuro & promitto, quod omnem penitentiam, quam mihi iniungere decreueritis, pro prædictis, pro vitibus adimplebo, nec contraueniam in aliquo: Sic me Deus adiuuet, & ista Euangelia sacrosancta. Quod si cōtra prædicta iurata, & abiurata fecero in futurum (quod Deus auertat) panis talibus de iure debitis, me nunc pro tunc libere suppono, obligo, et adstringo, quatenus illis plectar cum probatum legitime extiterit me talia commisse.

Aduertendum hic tñ, quod si indicia sint talia et tā fortia, quod cū infamia prædicta uel absq; ea reddant prædictum diffamatum suspectū de heresi vehementer, tunc abiurabit omnem heresim generaliter: vt habitum est; et si relabatur in quameunque heresim, pœna relapsi debita, punietur, vt in cap. Iner sollicitudines. de purg. cano. & in c. Accusatus. de heret. li. 6. Si autem indicia illa sint ita modica & leuia, quæ etiam cū prædicta infamia non reddant eum suspectū de heresi vehementer, sed solum leuiter, tūc sufficiet, quod abiuret non generaliter, nec simpliciter, sed singulariter heresim, de qua habitus est suspectus ita quod si prolabatur in aliam speciē heresis, pœna relapsi debita non punietur ratione abiurationis: quia scilicet vt suspectus leuiter abiurauit: licet punietur durius, quā si aliās non abiurasset. Et omnia hæc patent in c. Accusatus. in princ. de heret. li. 6.

E Ratione autem purgationis canonice est dubium; an si post purgationem canonicam in eandem speciē heresis, de qua se purgauit canonicè, prolabatur, pœna relapsi debita, hoc est, ultimo supplicio feratur; Et videtur quod sic, per cap. exco. a. i. i. §. adijcimus. ver. vel si post purgationem, & per cap. Ad abolendam. §. illos quoque, de heret.

Sic cautus notarius, quod scribat in actis, an talis abiurauerit tāquam suspectus de heresi leuiter,

184
suspectus vehementer omnem heresim debet generaliter abiurare. Leuiter suspectus non abiurat generaliter.

vel vehementer, quia multum interest, vt alias supra dictum est.

185 Prædictæ autem purgatio, & abiuratio fiant in vulgari, si fiant publicè, & coram vulgaribus; si autem tantummodo coram viris litteratis, & a litteratis, poterunt fieri in Latino. Et si fiant publicè (vt videtur secundum ratione in familia, & quia est publicè diffamatus) fiant cum solemnitate in Ecclesia, de qua dictum est frequenter, scilicet, in die festiua; & facto sermone per Inquisitorè prius in dicto in Ecclesijs parochialibus, & religiosorum: & sermonibus alijs suspensis pro illa die; & posito abiurando in populi medio, vt ab omnibus videatur; & lectis primitus ibidem publice eius culpis per notarium, seu aliquem religiosum, seu clericum sacularem.

Factisque antedictis purgatione, & abiuratione, Inquisitor (vt alias dictum est pluries) indicet sibi publice periculum, quod sibi imminet, si in hæresim prolatur; de cuius periculo dictum est statim: quibus sic actis, feretur sententia seu penitentia per formam tenoris sequentis.

Forma ferendi sententiam vel iniungendi penitentiam diffamato de hæresi, & suspecto alias de eadem.

186 Nos N. Episcopus talis ciuitatis, & frater N. Ordinis Prædicatorum Inquisitor hereticæ prauitatis, in terris tali ditioni, talis domini subiectis, a sancta sede Apostolica specialiter delegatus: Diligentius attendentes, quod tu de tali loco, & talis diocesis, fuisti delatus nobis de tali heretica prauitate, exprimaturs illa, Nos volentes, vt tenebamur, iudicialiter informari, an tu incidisses in prædictam hæresim condemnatam, ad inquirendum, testes examinandum, teque citandū & interrogandum medio iuramento, & ad alia faciendā, quæ si enda erant per nos, descendimus, & processimus, vt decebat. Quibus peractis, visis & diligenter inspectis pariter & discussis, processus meritis huius causæ, & omnibus, & singulis productis, actis, & actitatis aqua laxe libratis, habitoque in & super illis, theologorum, ac in iure peritorum pluries in maturo consilio, ac digesto, reperimus te de prædicta hæresi in tali loco, seu talibus locis apud bonos, et graues publicè diffamatum: propter quod, vt nobis mandant canonica instituta, & in diximus tibi purgatione canonica, qua coram nobis hic publicè te purgasti, & ipsi cōpurgatores pariter te purgarunt. Inuenimus etiā te talia comisitisse, exprimaturs illa, propter quæ, & non immerito, te suspectum habuimus vehementer, seu leuiter: dicatur si est illud vel illud, & hoc de heretica prauitate: propter quod fecimus te vt taliter suspectū hereticum abiurare, dicatur, nem hæresim, si abiurauit vt suspectus vehementer; vel hæresim supradictā, si vt suspectus leuiter: Verū quia non possumus, nec debemus, talia qua peregisti, vltatenus tolerare, sed cogimur ea vitare: iustitia suadente, ad hoc vt reddaris cau-

† c. Inter foli-
citudines. e
purga. cano.

† Al. vindica-
re

nor in futurum, & vt crimina nō remaneant im-

punita, & vt ceteri non reddantur procliuiores ad similia committenda, & vt Creatoris iniuriæ nō aquanimitè tolerantur: Ea propter te talem prædictum purgatum, & abiuratū, hic in nostra præsentia personaliter constitutum, in hoc loco, & hora tibi in antea assignatis; Nos Episcopus, & Inquisitor præfati sedentes pro tribunali more iudiciū iudicantiū, sacrosanctis Euangelijs positis coram nobis, vt de vultu Dei iudicium nostrū prodeat, & oculi nostri videant æquitatem: sententiamus, seu penitentiamus per modum, qui sequitur, scilicet, quod tenearis, &c.

Ponantur illa que videbuntur magis ad bono-
rem fidei esse, & ad exterminationem hereticæ pra-
uitatis, vt pote, quod certis diebus Dominicis, & fe-
stis, habeat stare ad portam talis, vel talis Eccle-
siae cum cereo tanti ponderis in manus dum Missarū
solemnia celebrantur, capite discooperto, & pedibus
nudatis, & offerte ad altare cereum antedictum, &
habeat sextis ferijs ieiunare, & quod certo tempore
locum illum non audeat exire, sed certis diebus heb-
domada se habeat Episcopo, vel Inquisitori præsen-
tare, & similia, quæ iniungenda videbuntur secun-
dum culparum exigentiam, & varietatem: quia nō
potest dari vna regula generalis. Lata fuit hæc sen-
tentia, seu penitentia, &c.

Qua lata, exequiatur: poteritque; dispensari; vel
mitigari, vel commutari, secundum quod nego-
tium, & penitentis correctio, & humilitas hoc re-
quirunt: quia potestatem habent Episcopus, &
Inquisitor, etiam si non retineat, & hoc de iure,
vt in c. Vt commissi. de hæret. lib. 6.

COMMENT. XLIII.

In amonui supra super 2. modo processum termi-
nandi, hunc modum septimum eo nomine a secu-
do differre, quia ibi de solo diffamato, hic vero de
diffamato simul & suspecto agitur.

Ac de hoc modo agit etiam breuiter Tabienus
in summa verbo, Inquisitor. §. 18. & Iacobus Spre-
ger in malleo maleficarum, 3. par. q. 26. Syluester
de Strigibus, lib. 3. c. 4. puncto 9. & alij.

Quæcumque autem necessaria sunt ad intelligen-
dum hunc modum, plenissime dicta sunt a nobis su-
pra super dicto 2. modo processum fidei terminandi.

Hoc solum præterea admonebo lectorem, ne for-
tassis dum hæc legit apud Emericum, quid iniqua
durius in reos huius criminis fiatuar, animaduertē-
dum esse id, quod docuimus supra par. 2. super cap.
inter sollicitudines. §. ita tamen. & sequentibus, nec
facile, & frequenter purgationem indicat, cum sit
remedium valde dubium, et periculosum, sed ad alia
iuris remedia confugiat.

Ita quod si prolatur in aliam speciem he-
reticæ, pœna relapsi debita non punietur ratione
abiurationis, &c. Videtur Hic Emericus senti-
re, quod si is qui abiurauit de leui, postea manife-
stè incidat in eam hæresim, quā prius vt leuiter sus-
pectus abiurauit, debeat censeri relapsus, que senten-
tia videtur fuisse Ancharani in cap. accusatus. no-
tabili 6. de hæret. lib. 6. quod tamē est falsum, vt do-
cui supra par. 2. super quæst. 58. §. vel post consili-
vii

Abi ostendi qd certissime Emericum vere tenere co-
nariam opinionem. quare hic locus ita est accipien-
dus: Qui leuiter abiurauit, si relabatur in aliam ha-
resim ab ea, quam abiurauit, non erit relapsus; quia
non abiurauit omnem heresim: adde, neq; erit relap-
sus ad hoc vt relapsorum poena puniatur; etiã si in
eadem heresim, quam leuiter abiurauit, incidisse de-
prehendatur. Dixi; ad hoc vt relapsorum poena
puniatur: quoniam si vocis proprietate spectemus,
re vera erit dicendus relapsus, cum in priorem lap-
sum recidat. nec putandum est virum egregie erudi-
tum aliter sensisse. Nec video quomodo aliter possem hunc
locum accipere, quem non sum ausus immutare, quia
omnes codices penitus conueniebant. ceterũ ita pu-
tabam legendum, vt ex serie auctoris colligitur: Ita
quod si prolabatur in eandem speciem heresis.
sive ita: Ita quod si prolabatur in eandem, vel in
aliam speciem heresis, &c.

b Ratione autem purgationis canonica est du-
bium, &c.] Admonui supra in hac 3. par. super 2.
modo processum fidei terminandi. §. nec contemnat.
Emericum varijs locis, varie scripsisse de hac diffi-
cultate: sed ne actum agam, quid mihi in hoc dubio
sentiendum videatur, dixi copiose praecitato commẽ-
tario, vbi omnino videas.

*De octauo modo terminandi processum fi-
dei per abiurationem faciendam
ab heretico poenitente.*

C Tausus modus processum fidei ter-
minandi & finiendi est, quando de-
latus de heretica prauitate, meritis
processus diligenter discussis, cum
bono cõsilio in iure peritorum, re-
peritur confessus heresim, sed poenitens, & alias
non relapsus veraciter; & hoc est quando delatus
ipse confitetur iudicialiter Episcopo, vel Inquisi-
tore medio iuramento, fore verum qd ipse tanto
tempore stetit, & perseuerauit in illa, seu alia, de
qua delatus est heretica prauitate, & illi credidit
& adhesit, sed postmodum ad informationẽ Epi-
scopi, & Inquisitoris tandem vult resiliire, & ad
gremium Ecclesiae redire, & illam ac omnẽ aliã
heresim abiurare, & satisfacere prout ipsi volue-
runt ordinare, & non reperitur, quod vnquã alias
heresim aliquam abiurauerit, sed nunc abiurare
prompto animo est paratus.

Circa istum talis practica est seruanda. Talis
enim est quod multis annis steterit in heresi
praedicta, ac et alijs quibuscumque, illas credide-
rit, dogmatizauerit, multosque induxit in er-
rores; si tandem cum effectu illas hereses consen-
serit abiurare, & satisfactionem congruã ad ar-
bitriũ Episcopi & Inquisitoris exhibere; non est
tradendus brachio seculari vltimo supplicio fe-
riendus; nec si est clericus, degradandus, sed est
ad misericordiã admittendus, iuxta c. Ad abolen-
dam. §. praesenti. extra de heret. & abiurata pri-
mitus heretica prauitate, est in perpetuum car-
cerem detrudendus, iuxta c. Excoicamus, 2. §. si
quis. & absolutionis beneficio impedito, & iniũ

A Et eidem, quod talibus iniungi consuevit, iuxta
c. Vt officium, prouiso tamen solenter, ne simula-
ta fictione redeat fraudulenter, & Episcopum et
Inquisitorem; immo seipsum fallendo, sub agni
specie lupum gerat. Prouidendũ
ne ficta sit he-
reticorũ con-
fessio.

Modus autem disponendi ad abiurationem ta-
lis erit.

*Forma disponendi ad abiurationem
faciendam per illum, qui est propria con-
fessione in heresi deprehensus, & poeni-
tet. & alias non relapsus.*

IN primis Episcopus & Inquisitor inter se co-
cordabunt de praedicta abiuratione fienda pu-
blice, aliqua certa die Dominica, vel festiua, quẽ
quidem non sit Dominica de Aduentu, vel Qua-
dragesima, vel alias dies multũ solemnis, vt dies
Natiuitatis Domini, vel festum Paschae, & simi-
les, quia praedictis diebus honestũ est sermones
non suspendere, & quemlibet accedere ad eccle-
siam suam parochialem; quod fieri non posset si
in illa fieret abiuratio antedicta: tum quia suspen-
derentur sermones; tum etiam quia omnes con-
fluerent ad ecclesiam, in qua fienda foret abiur-
ratio supradicta. Concordata igitur de tali certa
die Dominica, vel festiua, mandabitur praecedenti
die Dominica, seu alia festiua, per dies aliquos
ante praefixam diem ad abiurandum praecedente,
ex parte Episcopi & Inquisitoris, curatis om-
nibus ecclesiarum illius ciuitatis, vel loci, in quo
praedicta abiuratio est fienda, vel religiosus, qd ha-
beret illa die populo praedicare, quod insinuent pu-
blice populo, ac clero, quod tali Dominica, seu
die festiua, Inquisitor in tali ecclesia pro fide &
de fide sermonem faciet generalem; & sic quod
quilibet vadat illuc ad videndum, & audiendum
causam fieri, & habebunt ex parte domini nostri
Papae Indulgentiam consuetam, scilicet, quadra-
ginta dierum, indicando etiam, quod illa die nõ
erit alius sermo in loco illo. Quo facto, mittatur
ex parte Episcopi & Inquisitoris ad domos reli-
giosorum; qui praedicant communiter verbum
Dei, & intimabitur eorũ superioribus, quod die
Dominica sequenti, seu tali die festiua, Inquisitor
sermonem faciet pro fide in tali ecclesia genera-
lem, & quod suspendit omnes alios sermones: &
ideo quod nullus in loco illo praediceat illo mane,
sed quod quilibet superior mittat quatuor fra-
tres, vel duos prout videbitur, qui intersint sermo-
ni, & abiurationi, & sententiae ferenda.

Medio autem tempore Inquisitor sermonem
suum ordinabit, iuxta materiam fidei, de qua pro-
tunc est agendum: ordinabit etiã cum Episcopo
de culpis in scriptis redigendis, abiuratione for-
manda, & sententia, ac etiam de loco & sede, seu
baptimento ponendo in alto in ecclesia antedicta
in medio, in quo possit poni abiurandus & senten-
tiandus, vt ab omnibus videatur. ordinabit etiam
de veste fienda ad modum scapularis religiosorũ
sine tũ capucio, qd sit de pãno liuido, vel alterius
coloris, & habeat insertas cruces ante & retro de-
panno.